



Peter Olsen
Inatsisartunut ilaasortaq, Inuit Ataqaṭigiit

Palasit angalasut pillugit § 37 naapertorlugu apeqqummut 323/2019-imut akissut

31-10-2019
Sagsnr.
Dok. nr. 10941081

Asasara Peter Olsen,

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Aallarniutigalugu ilisimatitsissutigineqarsinnaavoq palasit atorfiit inuttassarsiornissaannut piginnaatitaaneq Biskopimi inissisimammat, taamaattumillu apeqqutip akinissaanut Biskopip Allaffianit paasissutissat piniarneqarput. Palasit "angalasut" qanoq paasinerit apeqqummi takuneqarsinnaanngimmat, Naalakkersuisut ilisimatitsissutigissavaat, akissuteqaammi palasi "angalasoq" paasineqarmat palasit atorfik ilagiit sinniisaannut attuumassuteqanngitsoq, immikkulli ittumik atorfittut pilersinneqarsimasoq, palasilu atorfimmi suliassanik nassuiaat naapertorlugu piffimmiit piffimmut angalasoq, piffinnilu pineqartuni palasip suliassai suliaraqarput.

Apeqqut 1: *Palasissaaleqinermi palasinik angalasinnaasunik periarfissarsiorluni ujartuisoqartarpa?*

a. Aappiuppat, tamanna qanoq pilersaariorneqarsimava aamma qanoq ingerlanneqarpa?

b. Naamiuppat, tamanna sumik peqquteqarpa?

Akissut: Palasit angalasut atorfiup pilersinneqarsinnaaneranut periarfissaq siusinnerusukkat Biskopip Allaffialu oqaloqatigiissutigineqarsimavoq.

Apeqqut 2: *Palasinik angalasinnaasunik pilersitsisoqassappat taava suut pisariaqarpat?*

Akissut: Apeqqummut 1-imut akissuteqaammi taaneqartut palasimut angalasumut aqqissuussinerup pilersinneqarnissanut periarfissaq Biskopip Allaffialu oqaloqatigiissutigineqarsimavoq. Taamanikkut isumaqatigiissutigineqarpoq, siunissami aqqissuussineq taamaattoq pilersinneqarsinnaassasoq, taamanikkulli pilersitsinissamut piffissaasimangilaq..

Tamatumunnga ilaatigut tunngavilersuutigineqarput, palasit angalasut atorfik inuttassarsiunneqassappat palaseqarfiup allap suli palaseqannginnissaannut

aarlerinartoqartoq naliliiffigineqarmat. Naliliineq piviusumik matuminnga tunngaveqartinneqarpoq, qinnuteqartut piukkunnaateqartut amerlanngimmata, misilittakkamut matumunnga ataqatigiissillugu, akuttunngilaq palasit palasit atorfeqareersut atorfinnut nutaanut qinnuteqartarnerat. Taamaattumik palasip angalasup atorfianik pilersitsineq palasissaaleqinerulernermik kinguneqarnissaa aarlerinartoqarsinnaavoq. Taamaattumik nutaanik aaqqissuussinerit pilersinneqannginnerini palaseqarfinni palasit atorfiiit tamarmiusut inuttalerneqarsimanissaat siullerpaatillugu qulakkeerusunneqarpoq.

Tamatuma saniatigut palasip angalasup angalatorujussuunissaa naatsorsuutigineqarsinnaavoq, kinguneqassagunarlunilu ilagiinnut aningaasaliissutit naliliiffigisariaqarnerinik, taamalu aaqqissuussinerup aningaasalersornissaanut aningaasat pisariaqartinneqartut pigineqartariaqarlutik.

Sammisap kingullermik oqaluuserineqarneraniit qulaani pissutsit allanngorsimangillat, taamaattumillu Naalakkersuisut Biskopillu Allaffiata naliliinerat sulit tassaavoq, palasinik atorfinitsitsinermut tigumminiinnarnissamullu tunngatillugu ajornartorsiutit atuutsillugit palasimik angalasumik atorfinitsitsinissamut piffissanngorsimangitsoq.

Apeqquut 3: *Palasinik angalasunik pilersitsisoqassagaluarpat suut aporfiusinnaappat?*

Akissut: Apeqquut 2-mut akissuteqaat innersuunneqarpoq.

Apeqquut 4: *Aaqqissuussineq taanna pilersinniarlugu suna qulakkeerneqassava?*

Akissut: Apeqquut 2-mut akissuteqaat innersuunneqarpoq.

Apeqquut 5: *Tassunga tunngasumik allamik Naalakkersuisut paasissutissaateqarpat?*

Akissut: Naalakkersuisut annertunerusumik paasissutissaateqanngillat.

Inussiarnersumik Inuulluaqqusillunga


Ane Lone Bagger